



Universitätsbibliothek Paderborn

**Acta Synodalia Osnabrvgensis Ecclesiæ, Ab Anno Christi
MDCXXVIII.**

Brogberen, Johannes

Coloniæ Agrippinæ, 1657

In hospitalia pauperes ejus loci, ubi constituta sunt, potissimum
recipiendos, maximè contagiosis morbis implicitos. 4

urn:nbn:de:hbz:466:1-14298

P A R S V N D E C I M A.

C A P. I. *De Hospitalibus & Orphanotrophiis, aliisque id genus piis locis.*

N On solupi Canonicis constitutionibus, sed & Imperialibus ac Regalibus institutis, antiquitus pientissime sancitum est, ut habeantur quam fieri potest frequentia in Repub. Xenodochia, Prothotrophia, Orphanotrophia, Gerontocoria & Brephotrophia, & id genus alia loca pietati consecrata, in quæ recipientur peregrini, pauperes, invalidi, senes, parentibus orbati atque inopes liberi, infantes expositi, furiosi, leprosi, contagiosique ac perpetui morbis obfisi, atque aliae miserabiles personæ. Idcirco curæ Nostræ imminebit, ut ejuscemodi loca, ubi constituta sunt, farta tecta teneantur; ubi vero dissipata sunt, instaurentur, reformaturque; denique, ubi necdum constituta sunt, Episcopali Nostra providentia ædificantur, conseruanturque. Pauperum enim curam nobis

Matt. 26. Christus præcipuum esse voluit; & horum *Marc. 14.* 2 Cor. 8. meminit divinissimus Paulus Apostolus.

C A P. II. *In Hospitalibus in primis animæ curandæ, deinde corpus.*

H IC ante omnia curandum Nobis est, ut in domibus istis, quæ ad salutem animarum pertinent, minime negligantur, sed ante omnia de Sacramentorum administratione, pauperibus, debilibus & ægrotis, provideatur; ac, ubi corporis infirmitas medicum postulat, ibi prius animæ, deinde corporis medicus acceratur.

C A P. III. *In Hospitalia qui recipiendi.*

IN ejuscemodi autem Hospitalia nullæ aliae quam eæ, quas diximus, miserabiles personæ, quæ aut morbo aut debilitate aut ætate impeditæ, suis manibus laborare viçtumque ac vestitum sibi comparare non possunt, recipientur; quas ad Ecclesiasticam disciplinam Canones pertinere, ac Nostris aliorumque piorum hominum largitionibus viçtitare, voluerunt.

C A P. IV. *In Hospitalia pauperes ejus loci, ubi constituta sunt, potissimum recipiendos, maxime contagiosis morbis implicitos.*

IN primis autem recipientur in hæc Hospitalia personæ miserabiles ejus loci, ubi Hospitalia constituta sunt. Quod si recte curatum

fuerit, sufficerint penè (nisi tamen fallamur) jam constituta Hospitalia omnibus vere pauperibus, per singula oppida ac vicos repertis, ut amodo illis non fuerit necesse ostiatim panem emendicare, aut eos, qui lepra seu alio contagioso morbo impliciti sunt, inter homines diversari; quod lege Divina, ne fiat, prohibitum legimus; nec immerito; quod, ex tali commixtione ac conversatione cum sanis, infinita pericula subsequantur, etiam ex solo adspectu; qui intuentibus horrorem solet incutere. Quod si leprosis, aliisque qui simili bus morbis impliciti sunt, Hospitalium, quibus addicuntur, redditus non sufficerint, satius est, ut ipsorum nomine, in Conventu Ecclesiæ, Eleemosyna per aliquot viros probos, ad hoc munus deputandos, colligatur ac præstetur, atque ut trunci in templis, Eleemosynis ipsis colligendis asservandisque, erigantur, quam ut ipsi morbos, alimonia petenda obtentu, aut quoconque alio prætextu, consortiis hominum milceantur.

Num. 12.

Cod. de mendic. val. 12.

C A P. V. *Mendicantibus validis Hospitalia clausa, & mendicitatem interdictam esse oportere.*

SINT autem Mendicantibus validis non solum Hospitalia clausa, sed & publice ac ostiati mendicare penitus interdictum. Et, qui fecus agere comperti fuerint, arceantur, ac legalibus Nostrisque constitutionibus comprehensis, penis subdantur. Ut ilius enim esuriens panis tollitur, si, de cibo securus, justitiam neglat, quam eidem frangitur, ut, seductus, injustitiae acquiescat.

C A P. VI. *Magistrorum Hospitalium pravi affectus damnantur.*

DAMNAMUS autem abusum, quo in quibusdam locis fit, ut, neglectis miseris ac inopibus quibus Hospitalia dedicata sunt, ex privato affectu Magistrorum aut Magistratum qui Hospitalibus hisce præsunt, non modo validi, sed & quibus victus & vestitus suppetit, recipientur; tantum quod illic commodius & in otio vivat: qui certe aliter censerri non possunt, quam pauperum deprædatores, raptoreisque, de alieno viventes, ac velut ex sanguine pauperum saginati. Quos divus Hieronymus gravissime increpat. Qui (inquit) ex bonis parentum & suis opibus sustentari possunt, si, quod pauperum est, accipiunt, sacrilegium profecto committunt, & per abusionem talium, judicium sibi manducant & bibunt.

Hieron.